

## তদন্ত কমিশনের রিপোর্ট

গত ২৪শে ফেব্রুয়ারী কলকাতায় ছাত্র মিছিলের উপর পুলিশের ট্রাক তুলে দেয়ার ঘটনা তদন্তের জন্য যে কমিশন গঠন করা হয়েছিল বৃহত্তর কাগজে তন্ন রিপোর্ট প্রকাশিত হয়েছে। তদন্ত কমিশন ট্রাক নিয়ে ছাত্র মিছিল অনুসরণের ব্যাপারটিকে দায়িত্বহীন বলে অভিহিত করেছেন এবং সংশ্লিষ্ট ট্রাক ড্রাইভারের বিরুদ্ধে দায়ের করা মামলা চালিয়ে যাওয়ার নির্দেশ দিয়েছেন। এখানে উল্লেখ করা যেতে পারে যে ঐ ঘটনায় বিশ্ববিদ্যালয়ের দুজন ছাত্রের মর্মান্তিক মৃত্যু ঘটেছিল।

কমিশনের চেয়ারম্যানের নির্দেশ অনুযায়ী সংশ্লিষ্ট ড্রাইভারের বিচার হবে এবং আদালত এ ব্যাপারে আইন অনুযায়ী ব্যবস্থা নেবেন। এ ব্যাপারে আমাদের ভিন্ন বক্তব্য নেই। তবে কমিশনের অন্যান্য কিছু বক্তব্য প্রশাসনের জন্যে ভাবনার কিছু ধোরাক যোগাতে পারে যদি তারা সত্যি কিছু ভাবতে চান।

তদন্ত রিপোর্টে পুলিশ ট্রাকের কন্ডাক্টর অফিসার ও ড্রাইভারের দায়িত্বহীনতা সম্পর্কে বিচারপতি যে মন্তব্য করেছেন তা পুলিশ বিভাগকে তাদের দায়িত্ব পালনে সতর্ক করে দেবে বলে আমরা আশা করি। আইন ও শৃংখলা রক্ষা করাই যাদের দায়িত্ব তাদেরই কেউ কেউ যদি এমন নাজুক পরিস্থিতিতে দায়িত্বহীনভাবে আচরণ করেন তহলে বিশৃংখল থেকে কে? যে আইনী লাইসেন্সধারী দুর্ভাগ্যবান ড্রাইভারের কান্ডজ্ঞানহীন আচরণে যে দুইটি জীবন গেল সে ক্ষতিপূরণ কে করবে? তদন্ত রিপোর্টে সত্য উদ্ঘাটিত হয়েছে, বিচারের ব্যবস্থাও হয়ত হবে কিন্তু জীবন তো আর ফিরে আসবে না। পুলিশ বাহিনীর কাজ যে খুবই গুরুত্বপূর্ণ তা আমরা জানি, কঠিন পরিস্থিতির মুখোমুখি হতে হয় তাদের। সে জন্যেই তাদের কাছ থেকে বেশ দায়িত্ববোধ, সতর্কতা ও বিচক্ষণ আচরণ সবই আশা করে। বিশেষ পরিস্থিতিতে এক আধজন পুলিশের অসতর্ক আচরণও গোটা দেশের জন্যে অমঙ্গল বয়ে আনতে পারে। এ কারণেই বেশ সতর্কতার প্রয়োজন। পুলিশ অসংলগ্ন সাক্ষ্য দিয়েছে, কনস্টেবল ড্রাইভার যে আইনীভাবে লাইসেন্স পেয়েছে, পুলিশ হাসপাতালে চিকিৎসার ছন্দাবরণে অপরাধীকে বিচারের প্রয়াস নেয়া হয়েছে—কমিশনের এ মন্তব্যগুলো পুলিশ বাহিনীর সুনাম বা মর্যাদা কোনটাই বৃদ্ধি করবে না। বরং সমস্ত মনুষ্যের মনে নানা প্রশ্ন তীক্ষ্ণতর হয়ে দেখা দেবে। আশা করব, পুলিশ, কতগুণ কমিশনের রিপোর্ট পড়ে আত্মবিশ্লেষণে উদ্বুদ্ধ হবেন।

গত ২২শে ফেব্রুয়ারী ও ২৪শে ফেব্রুয়ারীর ঘটনাবলী সম্পর্কে নিয়োজিত তদন্ত কমিশনের রিপোর্ট প্রকাশ করায় সরকারকে আমরা ধন্যবাদ জানাই। আমাদের দেশে তদন্ত কমিশন নিয়োগ করা হয় বটে, তবে রিপোর্ট বড় একটা প্রকাশিত হয় না। অল্প রিপোর্ট প্রকাশিত হলেও সে অনুযায়ী কাজ হয় না। এবার রিপোর্ট যখন প্রকাশিত হয়েছে তখন রিপোর্ট অনুযায়ী প্রতিকারের ব্যবস্থাও নেয়া হবে বলে আমরা আশা করছি।